

BOSNA I HERCEGOVINA
Federacija Bosne i Hercegovine
UNSKO – SANSKI KANTON
Skupština



BOSNIA AND HERZEGOVINA
Federation of Bosnia and Herzegovina
UNA – SANA CANTON
Assembly

Poslanička pitanja

sa II redovne sjednice Skupštine Unsko – sanskog kantona
koja je održana 23.03.2015. godine

Bihać, 23. mart 2015. godine

Predsjedavajući Skupštine Unsko – sanskog kantona, Nijaz Hušić:

Vi znate kako su poslanička pitanja, kako je njihov dakle status regulisan Poslovníkom o radu. Ja se nadam da ćemo se uklopiti u ovih pola sata. S toga ja molim sve zastupnike koji su spremili svoja poslanička pitanja, da se odmah na neki način prijave za poslanička pitanja. Otvaramo dakle drugu tačku dnevnog reda, a to su poslanička pitanja. Prvi se javio gospodin Albin Muslić.

Poslanik Albin Muslić:

Poštovano Rukovodstvo Skupštine Unsko – sanskog kantona, kolegice i kolege zastupnici u Skupštini kantona, ministrice i ministri u Vladi kantona, predstavnici predlagača materijala, mediji, te predstavnici, dakle gosti i predstavnici nevladinog sektora, poštovani građani.

U duhu odredbi Člana 190. Poslovnika Skupštine Unsko – sanskog kantona, postavljám poslaničko pitanje, a tiče se dakle kolika će biti direktna i indirektna finansijska šteta za Unsko – sanski kanton i dakle budžetskih korisnika kantona, povodom odluke Vlade Unsko – sanskog kantona da se jednostrano umanje plate po osnovu ličnog dohotka, dakle za iznos od 6%, počevši od januara mjeseca 2015. godine?

Pitanje postavljám iz razloga, dakle obzirom da znamo da je na snazi, da su na snazi kolektivni ugovori dakle za budžetske korisnike. I ovim jednostranim umanjenjem mi ćemo dobiti na mjesečnom nivou dakle umanjenje, dakle i finansijsku korist. Međutim, mi ćemo u slučaju eventualnih sudskih postupaka, dakle te sporove unaprijed izgubiti. Dakle, taj iznos koji je umanjen mi ćemo morati nadoknaditi budžetskim korisnicima, dakle kroz period koji bude obuhvaćen, dakle tužbom. I druga stvar, plus dakle zakonska zatezna kamata i troškovi parničnog postupka. Ja vjerujem da ova ušteta, ako se uzme u obzir činjenica da od 4.000.000 konvertibilnih maraka na godišnjem nivou, mi bi od prilike dakle dobili uštedu, mi bi kroz godinu dana bili u obavezi da tih 4.000.000 konvertibilnih maraka nadoknadimo, plus nekoliko stotina hiljada konvertibilnih maraka po osnovu zakonskih zateznih kamata, te troškova parničnog postupka. Dakle, konkretno pitanje je:

Da li ćemo mi na ovaj način doista dobiti stvarne uštede u budžetu kantona?

A s druge strane imamo i indirektnu štetu, jer sa smanjenjem plata mi imamo i smanjenje potrošnje, a ako imamo smanjenje potrošnje imamo manji prihod po osnovu PDV-a, poreza, a ako je manji prihod po osnovu poreza, imamo manji i budžet kantona. Dakle, to je poprilično jednostavna matematička formula. Ja bih samo molio dakle resornog ministra, dakle obrazovanja i finansija, da daju odgovor na ovo pitanje, da li ćemo mi zaista kroz određeni vremenski period dobiti uštede, ili će nas danas ove uštede koje su prisutne, za godinu dana, dvije godine, tri godine, dakle koštati mnogo više nego što to sada i izgleda?

Pitanje postavljám dakle i u pismenoj formi, koju ćete dobiti.

Drugo pitanje odnosi se na...

(PREKID POSLANIČKOG PITANJA)

Predsjedavajući Skupštine Unsko – sanskog kantona, Nijaz Hušić:

Ja Vas molim samo da budete kraći, obzirom da imate tri minute za, istekle su Vam.

Poslanik Albin Muslić:

Dobro. Pitanje vrlo kratko.

Dakle, da li je procedura imenovanja privremenog upravnog odbora, te izbor VD direktora, Javna Ustanova Služba za zapošljavanje kantona Unsko – sanskog, urađena u skladu sa važećim zakonskim i drugim propisima?

Hvala lijepo.

Predsjedavajući Skupštine Unsko – sanskog kantona, Nijaz Hušić:

Zahvaljujem. Slijedeći se za poslanička pitanja javio gospodin Keserović.

Poslanik Kenan Keserović:

Dobar dan. Koristim priliku sve prisutne da pozdravim.

Za današnju sjednicu ja imam dvije inicijative, na temelju Člana znači 84. Poslovnika Skupštine Unsko – sanskog kantona.

Upućujem inicijativu za izradu i usvajanje strategije prema mladima Unsko – sanskog kantona, Skupštini i Vladi Unsko – sanskog kantona.

Evo obzirom na kratko vrijeme, ja ću samo kratko dati obrazloženje. Znači, obzirom da je 67,1% mladih u Bosni i Hercegovini nezaposleno, a 28% je onih koji su zaposleni i ne primaju redovno platu, 93% su mladi između 18 i 24 godine koji žive sa roditeljima, 25% mladih napušta obrazovanje znači jer u njemu ne vide nikakav smisao, 77% mladih bi otišlo u inostranstvo od čega 37% zauvijek, a 9% već poduzima korake da napuste zemlju. U protekle dvije godine Bosnu i Hercegovinu je napustilo preko 60.000 mladih. Vrlo dobro znate da je još 2010-e stupio na snagu Zakon o mladima Federacije Bosne i Hercegovine. Ovim samim zakonom nastao je znači niz pozitivno – pravnih promjena, prilikom čega su konačno mladi dobili okvir koji definira njihovu starosnu dob od 15 do 30 godina, propisani su mehanizmi

rada sa mladima, prava i obaveze, te organiziranje mladih kroz omladinska udruženja i njihova predstavnička tijela, odnosno vijeća mladih. Vrlo dobro znate da je Vijeće mladih Unsko – sanskog kantona znači organizirano još 2013. godine. Dosta su pozitivnih stvari uradili na području Unsko – sanskog kantona. S toga smatram da ovi mladi mogu biti podrška upravo ovom danas što želim inicirati znači Skupštini, a i Vladi, a to je izrada i usvajanje strategije prema mladima Unsko – sanskog kantona. Mogu reći da već su to neki kantoni donijeli, tako da vjerujem da ćemo se i mi pridružiti znači ostalim kantonima koji su donijeli i konkretno počeli i implementirati.

Druga inicijativa isto je znači za izmjene i dopunu Člana 36. Stav 1. d) Poslovnika Skupštine Unsko – sanskog kantona. A konkretno se odnosi da, znači idemo da se mjenja, citiram znači: „Poslovnik Komisije za obrazovanje, kulturu, sport i mlade broji 7 članova, 5 iz reda poslanika i 2 izvanskupštinska predstavnika i nadležno je“, pa tamo se nabraja, to bi se trebalo mijenjati i glasiti: „Komisija za obrazovanje, kulturu, sport i mlade broji 7 članova, 5 iz reda poslanika i 2 izvanskupštinska predstavnika ispred Vijeća mladih Unsko – sanskog kantona“. Upravo što je i samo u skladu sa Zakonom o mladima Federacije, da upravo u stalnim radnim tijelima bi trebali biti predstavnici stalnih tijela mladih sa područja Unsko – sanskog kantona.

(PREKID POSLANIČKOG PITANJA)

Predsjedavajući Skupštine Unsko – sanskog kantona, Nijaz Hušić:

Privodite kraju.

Poslanik Kenan Keserović:

Pismeno dostavljam.

Predsjedavajući Skupštine Unsko – sanskog kantona, Nijaz Hušić:

Zahvaljujem. Slijedeći za zastupničko, poslaničko pitanje se javio uvaženi zastupnik Amir Murić. Izvolite.

Poslanik Amir Murić:

Predsjedništvo, kolegice i kolege poslanici, Premijeru, ministri u Vladi.

Evo znate da je Premijer pozvao sve klubove koji zasjedaju u ovoj Skupštini, u sazivu ove Skupštine i Klub SDP-a se odazvao na taj sastanak i imali smo jedan korektan razgovor i spremni smo znači da zajedno rješavamo sve ove probleme. Ali informacija koju smo mi

dobili poslije tog sastanka je bilo da Premijer širi informacije da su ministri u ranijem sazivu Vlade imali platu od 10.000 maraka. Evo ja direktno pitam danas Premijera, neka izađe za ovu govornicu, ja mu dajem dozvolu da svoju platu javno kaže kolika je bila u četiri godine mog mandata. I moram reći da sve one, plaćanja komisija i kolegija i sve ostalo, smo utvrdili zajedno 2011. godine kada je sa SDP-om u vlasti bio SDA. I zato Vas molim da, nemojte širiti neistine i govoriti da su ministri imali plate 10.000, kad to nije tačno.

I moje drugo pitanje je ministru finansija. Čuli smo da je on u izjavi, kad su utvrđivali prijedlog budžeta, rekao da je suma novca za plate ostala ista kao u prošlom budžetu. I ja ga pitam da li će to biti dostatno da se održi ona visina plata koja je bila u 2014. godini?

Hvala.

Predsjedavajući Skupštine Unsko – sanskog kantona, Nijaz Hušić:

Zahvaljujem. Uvaženi zastupnik Sanel Mahić.

Poslanik Sanel Mahić:

Uvaženi Predsjedavajući, zamjenici, kolege i kolegice zastupnici, Premijeru, članovi Vlade, gosti, ja vas sve srdačno selamim i pozdravljam.

Ja imam jednu inicijativu koja je krajnje kompatibilna sa mojim kolegom Keserovićem. Evo nismo dogovarali, međutim tiče se istog zakona, iste tematike i možda samo ide jedan korak bliže izmjeni Poslovnika, a tiče se izmjene članova Komisije za obrazovanje, kulturu, sport i mlade. Obzirom da Vijeće mladih Unsko – sanskog kantona predstavlja savez općinskih vijeća koja djeluju na prostoru Unsko – sanskog kantona i u svom sastavu trenutno broji pet članica, dakle vijeće mladih općina Cazin, Velike Kladuše, Ključa, Bosanske Krupe i Sanskog Mosta. Vijeće mladih Unsko – sanskog kantona je legitimno tijelo koje zastupa interese mladih, a jedan od osnovnih zadataka jeste da jača sudjelovanje mladih u društvenom životu, kao i da poveća informiranost mladih, ne samo u njihovim pravima i obavezama, nego i mogućnostima koje im se nude u radu sa mladima i omladinskom radu. Takođe, mladi trebaju preko vijeća biti partner vlastima i dajući osvrt i stav o određenim političkim i društvenim temama uključiti se u donošenje odluka. S toga na osnovu Člana 14. Zakona 6, Zakona o mladima Federacije Bosne i Hercegovine Službene Novine Federacije BiH Broj: 36/10, svi nivoi vlasti su dužni osigurati minimum mjera u radu sa mladima, među kojima je uključivanje predstavnika vijeća mladih u razna tijela koja se tiču mladih i rada sa mladima. Te ovim putem tražim da se predstavnici vijeća mladih Unsko – sanskog kantona imenuju kao punopravni članovi u Komisiju za obrazovanje, kulturu, sport i mlade pri Skupštini Unsko – sanskog kantona. Možda jedan korak prije ove izmjene koju je moj kolega Keserović naveo.

Hvala.

Predsjedavajući Skupštine Unsko – sanskog kantona, Nijaz Hušić:

Zahvaljujem. Slijedeći koji se prijavio za poslanička pitanja je zastupnik Hodžić Damir. A neka se pripremi Ćufurović Asmir.

Poslanik Hodžić Damir:

Uvaženi Predsjedavajući, zamjenici, Sekretaru, kolegice i kolege zastupnici, Premijeru, ministri u Vladi Unsko – sanskog kantona, predstavnici kantonalnih institucija, slušaoci i gledaoci Radio – televizije Unsko – sanskog kantona, sve vas skupa selamim i pozdravljam.

Ja imam dva poslanička pitanja.

Jedno od toga je ustvari jedna poslanička inicijativa, koju upućujem prema Komisiji za pitanje zdravstva, boračka pitanja i socijalnu politiku u Skupštini Unsko – sanskog kantona, kao i Ministarstvu za pitanje boraca i ratnih vojnih invalida Unsko – sanskog kantona, a u pogledu razmatranja izmjena i dopuna Zakona o dopunskim pravima branilaca i članova njihovih porodica.

Naime, pomenuti zakon je odlukom Skupštine Unsko – sanskog kantona stupio na snagu 2005. godine, a izmjene i dopune istog vršene su dva puta 2009. i 2012. godine. U posljednje vrijeme određeni broj predstavnika boračkih udruženja, kao i građani pripadnici kategorija koje Zakon o dopunskim pravima branilaca i članova njihovih porodica tretira, su mišljenja da određene članove zakona treba kroz širu diskusiju razmotriti i eventualno izmjeniti. Kroz ovu inicijativu ću navesti samo jedan primjer naše sugrađanke iz Bihaća, Mešić Fikrete, čiji je suprug rahmetli Mešić Mujo, od aprila '92 do aprila '96 bio pripadnik Oružanih Snaga Armije Republike Bosne i Hercegovine, ali nakon što je demobilisan, pa do svoje smrti 2014. godine, nije nadležnom ministarstvu podnosio zahtjev o priznavanju statusa demobilisanog borca. Prema sada važećem Zakonu o dopunskim pravima branilaca i članova njihovih porodica, Član 52. Stav 1. i 2. supruga rahmetli Muhe ne može ostvariti nikakva prava što je i konstatovano rješenjem Odjeljenja za boračko – invalidsku zaštitu Bihać, kao i rješenjem Ministarstva za pitanje boraca i ratnih vojnih invalida Unsko – sanskog kantona. Mišljenja sam, a i znam da ovakvih i sličnih primjera postoji još, te ovim putem molim predsjednika Komisije za pitanje zdravstva, boračka pitanja i socijalnu politiku u Skupštini Unsko – sanskog kantona da u dogovoru sa resornim ministrom i predstavnicima boračkih udruženja sa područja Unsko – sanskog kantona održi sjednicu komisije po ovom pitanju, te da se eventualne izmjene i dopune pomenutog zakona, ukoliko su potrebne, dostave Skupštini Unsko – sanskog kantona na razmatranje i usvajanje.

Drugo poslaničko pitanje, ministru zdravstva i socijalne politike i ministru finansija.

Kao što je objavljeno u sredstvima informisanja 18.03.2015. godine održan je sastanak ministra zdravstva i socijalne politike sa direktorima centara za socijalni rad sa područja Unsko – sanskog kantona. Kao poslanik u Skupštini podržavam i pozdravljam ovakav način rada, pogotovo što je naglašeno da će se ovakvi sastanci održavati češće, te da socijalna politika neće kao do sada biti marginalizirana i da će u narednom periodu biti prioritet.

Zaključak ovog sastanka je da je situacija, kada su u pitanju socijalne kategorije, alarmantna i prema mojim informacijama situacija je stvarno alarmantna. A ona kategorija koju naročito želim potencirati su majke porodilje, koje preko centra za socijalni rad primaju naknadu nakon poroda, a koje su zadnju naknadu primile za mjesec januar 2014. godine. Dakle, isplata kasni za ove kategorije punih 14 mjeseci. Smatram da je ovakav način ophođenja nas sviju prema ovim izuzetno osjetljivim kategorijama nedopustiv. I zato molim nadležne ministre da iznađu načina za isplatu barem djela dugovanja prema ovim kategorijama.

Hvala lijepo.

Predsjedavajući Skupštine Unsko – sanskog kantona, Nijaz Hušić:

Zahvaljujem. Uvaženi zastupnik Asmir Ćufurović. A neka se pripremi gospodin Hodžić Farko.

Poslanik Asmir Ćufurović:

Uvaženi Predsjedavajući, dopredsjedavajući, Sekretaru, Premijeru, ministri u Vladi Unsko – sanskog kantona, kolegice zastupnice i kolege zastupnici, predstavnici medija, Međunarodne Zajednice, ja vas sviju selamim i pozdravljam.

Ja ću imati, u skladu sa Članom 190. našeg Poslovnika, jedno zastupničko pitanje kojeg upućujem Vladi, ili nekom od nadležnih ministarstava.

Ko je nadležan za provjeru usklađenosti akata Vlade Unsko – sanskog kantona sa odgovarajućim zakonskim propisima i šta Vlada namjerava učiniti u narednom periodu s ciljem rješavanja ovog problema?

Obrazloženje:

Bivša Vlada je donosila niz akata tipa odluka, pravilnika, koji sa svojim odredbama bitno su u koliziji sa odgovarajućim zakonskim rješenjima. Jedan od takvih je i Pravilnik sa kriterijima o bodovanju knadidata za prijem u radni odnos koji se primjenjuje u osnovnom obrazovanju. Naime, tim pravilnikom, Članom 20. je definirano da direktor škole vrši prijem radnika u radni odnos, a što je u sukobu sa Članom 155. Zakona o osnovnom i srednjem obrazovanju na području našeg Unsko – sanskog kantona. Ovo je samo jedan primjer, a imamo niz takvih odluka, akata, pravilnika, koji se kose sa zakonom i zaista će Vlada morati hitno, s ciljem rješavanja problema ne samo u obrazovanju i nadležnosti koje slijede tim pravilnicima ili zakonima donijeti, kako bi ispravili greške bivše Vlade.

Zahvaljujem.

Predsjedavajući Skupštine Unsko – sanskog kantona, Nijaz Hušić:

Zahvaljujem. Gospodin Hodžić. A neka se pripremi gospodin Veladžić Samir.

Poslanik Farko Hodžić:

Uvaženi, pošto sam već izlazio ja neću pozdravljati ponovo.

Postaviću dva poslanička pitanja i tražim pismene odgovore.

Naime, prvo poslaničko pitanje upućujem Vladi, odnosno ministarstvu privrede.

Na prvoj sjednici Vlade data je saglasnost, odnosno odobrenje za istražne radnje za otvaranje kamenoloma u reonu Maskara. Pošto se uglavnom i na području kantona, a i šire, kamenolomi u naseljenim mjestima zatvaraju, zbog ugroženosti, oko objekata i tako dalje, ja ne znam da li je geografski, ili topografski, Maskara na koju ja mislim, to je ova lokacija ispod Grabeža, odnosno naseljeno mjesto prema Založju i tako dalje, zato tražim potpunu informaciju oko ovog kamenoloma, gdje je to i mikrolokaciju?

Drugo pitanje upućujem ministarstvu prostornog uređenja i građenja.

Mi smo donijeli Zakon o upravljanju otpadom, a usaglasili smo ga i sa Federalnim zakonom, gdje je regulisano upravljanje otpadom, odnosno svim vrstama otpada. Trebalo je još ministarstvo da donese određene podzakonske akte. Ja ne znam je li donijelo sve, nisam sa tim upoznat, jer je to u nadležnosti ministarstva, odnosno Vlade. Posebno se tretira medicinski otpad, kao jedan od specifičnih otpada koji se mora posebno tretirati i o tome mora obavještavati se i lokalna zajednica. Tražim potpunu informaciju oko tretiranja medicinskog otpada na Unsko – sanskom kantonu. Za sve institucije. Koliko je meni poznato, ima ih negdje oko 170 na Unsko – sanskom kantonu. I da vidimo da li je to sve zbrinuto kako treba.

Zahvaljujem.

Predsjedavajući Skupštine Unsko – sanskog kantona, Nijaz Hušić:

Zahvaljujem. Gospodin Veladžić. A neka se pripremi Beganović Mirvet.

Poslanik Samir Veladžić:

Uvaženi Predsjedavajući Skupštine, njegovi zamjenici, uvaženi Premijeru, ministri, kolege poslanici, gosti, sve vas pozdravljam i selamim.

Tokom prošlosedmičnog boravka delegacije Republike Turske na Unsko – sanskom kantonu na čelu sa ambasadorom Republike Turske u Bosni i Hercegovini, posjećeni su neki privredni subjekti i privrednici državljani Republike Turske, koji su tom prilikom iznijeli svoje

probleme u radu i funkcionisanju na području Unsko – sanskog kantona. Pored čestih birokratskih prepreka s kojima se susreću, iskazali su i problem rješavanja radnih dozvola, boravišnih dozvola i sličnih problema koji proističu iz činjenice da su investirali i borave u Unsko – sanskom kantonu već duži niz godina. Imajući u vidu da ova problematika naravno nije u nadležnosti kantona, a vodeći računa o interesima kantona, da se u njega investira i pokreće proizvodnja, zainteresiranih investitora iz Republike Turske, tražim od Ministarstva privrede, vodoprivrede i šumarstva, te Ministarstva unutarnjih poslova Unsko – sanskog kantona da od nadležnih institucija i agencija zatraže izjašnjenje za iznešene primjedbe oko regulisanja boravka, radnih dozvola, državljanja Republike Turske u Unsko – sanskom kantonu i u Bosni i Hercegovini u cjelini. S obzirom da sam ovo pitanje dostavio i u pisanoj formi, tražim da mi se po dobijenim izjašnjenjima pismenim putem i odgovori.

Hvala.

Predsjedavajući Skupštine Unsko – sanskog kantona, Nijaz Hušić:

Zahvaljujem. Uvaženi zastupnik Mirvet Beganović. A neka se pripremi Ekrem Prošić.

Poslanik Mirvet Beganović:

Poštovane dame i gospodo, gospodine Premijeru, ministri u Vladi, predstavnici međunarodnih organizacija, predstavnici javnih ustanova, medija, kolegice i kolege, koristim priliku da vas srdačno pozdravim, pošto prvi put izlazim.

Imam dva pitanja.

Moje prvo pitanje je Premijeru i Vladi Unsko – sanskog kantona.

Da li će i kada će promijeniti praksu u procesu imenovanja upravnih odbora, nadzornih odbora, direktora javnih ustanova i poduzeća, sa aspekta toga da se poštiva zakon, gdje je jasno definisano?

Navodim primjer gdje je Skupština kantona, evo ja imam primjer jedne odluke gdje tačno piše da ispred osnivača mora biti jedan član, dva iz reda nezaposlenih, dva iz reda stručnih radnika javne ustanove. A nastavlja se stara praksa, politička trgovina. Pa se onda popunjava. I ta praksa privremenih odbora. Neka se napravi kompletan koncept imenovanja. Nisam protiv da pozicija imenuje svoje članove, ali mora poštivati zakonsku proceduru. I mi smo u prošlom sazivu na kraju mandata pokrenuli taj jedan proces gdje su bile regularne procedure, znači javni poziv. Pa neka se prijave svi kandidati iz svih stranaka, a oni koji imaju poziciju oni će postaviti svoje, ali će bar biti transparentno i javno.

Moje drugo pitanje je Elektroprivredi BiH, to jest Distribucija Bihać.

Kada će biti nastavljeni radovi u rješavanju trafostanice, u mjestu Donja Lučka, to jest Donja Lučka benzinska Veinac, gdje je postavljena instalacija? Znači stubovi, sve i došlo je do zastoja. Ne znam u čemu je problem. Pitaju me građani i tražim odgovor. Kada je i gdje je nastao zastoj realizacije tog projekta?

Hvala lijepo.

Predsjedavajući Skupštine Unsko – sanskog kantona, Nijaz Hušić:

Zahvaljujem. Gospodin Ekrem Prošić.

Poslanik Ekrem Prošić:

Dame i gospodo, dragi prijatelji, želim sve skupa srdačno da vas pozdravim.

Ja ću uputiti dva pitanja, Premijeru Unsko – sanskog kantona.

Naime, prije izvjesnog vremena obaviješten sam od gospodina Hodžića da je Premijer Unsko – sanskog kantona tražio sastanak sa poslaničkim klubovima u Skupštini Unsko – sanskog kantona i malo sam bio iznenađen. Tada sam rekao i gospodinu Hodžiću da Premijer Unsko – sanskog kantona ukoliko ima nekih ideja za rješavanje problema na Unsko – sanskom kantonu, ili informacija, onda treba da se održi sjednica Skupštine, da li redovna ili vanredna i da ovdje pred nama poslanicima svima kaže šta ima, a mi da to podržimo ili ne podržimo, je li, te njegove ideje ili prijedloge. Mislim da je neozbiljno od strane Premijera da poziva poslaničke klubove. Mogu se pozvati predsjednici poslaničkih klubova na sastanak, mogu se pozvati predsjednici kantonalnih odbora političkih partija, da se razgovara, ali da se pozivaju poslanički klubovi na radne sastanke i da se, kao što sam informisan, jednima priča jedna priča, drugima druga, pa sam tako dobio informaciju da su pred jednima, tražena podrška za nekakve buduće projekte, a pred drugima su upućene kritike na prošlu Vladu. Pa je navedeno da je Premijer Unsko – sanskog kantona u prethodnom sazivu imao nekakva primanja od 14.000 maraka, ministrica urbanizma manje za 1.200 maraka, ministri po 10.000 maraka. Mene to zanima i ako je to tačna informacija, onda to Premijer treba izaći ovdje pred ovu Skupštinu i reći i pojasniti, znači jesu li imali takva primanja, jesu li ona bila u skladu sa zakonom ili nisu, ili ako ta informacija nije tačna onda ne treba širiti takve glasine, jer ionako imamo dovoljno problema. I svojim kolegama iz ovih drugih političkih partija koje su bile na vlasti u prethodnom sazivu, da kažem da je malo i smješno kad izađu ovdje i postavljaju pitanja, a njihovi ljudi sjedili kao ministri tamo i podržavali Hamdiju Lipovaču i njegovu Vladu cijelo vrijeme.

Hvala.

Predsjedavajući Skupštine Unsko – sanskog kantona, Nijaz Hušić:

Zahvaljujem. Gospodin Nijaz Kadirić.

Poslanik Nijaz Kadirić:

Gospodine Predsjedavajući, uvažene kolege i gosti, sve vas skupa selamim i pozdravljam.

Evo ja ću iskoristiti kao novi zastupnik prostor za poslanička pitanja. Sve više i mi zastupnici, a vjerujem i ostali klubovi svih političkih partija, dobijamo zahtjeve od poljoprivrednih proizvođača za tematskom sjednicom, kako bi se razmatrali svi problemi poljoprivredne proizvodnje koja je strateško opredjeljenje Unsko – sanskog kantona. Ja bih zamolio ministarstvo poljoprivrede da održi sastanke sa raznim udruženjima i da se svi aktivno uključimo i ova Skupština. Jer ova Skupština, ono što ja vidim, ima oko 80% novih da kažem lica. I imamo takođe zahtjeva da se održi jedna tematska sjednica kad je u pitanju privreda, zdravstvo, školstvo i tako dalje. Ja bih volio da se svi zajedno uključimo da održavamo što češće tematske sjednice, kako bi rješavali naše probleme. I volio bih, ovako sa strane, dozvolite mi, ja sam ipak novi zastupnik, da se mi svi ujedinito u borbi protiv problema u kojima se nalazi ovaj kanton, a manje više ovih prepucavanja kojih smo evo svjedoci ovdje.

Hvala.

Predsjedavajući Skupštine Unsko – sanskog kantona, Nijaz Hušić:

Zahvaljujem. Ja nemam više prijavljenih zastupnika za poslanička pitanja. Članom 191. Poslovnika Skupštine kantona je predviđeno da zastupnici mogu dobiti eventualno i usmeni odgovor. Ukoliko ne, znači oni kojima su upućena ova pitanja dužni su na njih odgovoriti pismeno u roku od 15 dana.